

Yeshua, E Hebreo di Dios, ku ta nos Guía!!!

Bisa nan **hasí Bon**, bira **riku na Bon Obra**, sea **Generoso** i kla pa mustra **Amabilidat**. (1 Timoteo 6:18).

Dios ta enrikesé boso den tur kos pa asina **boso por ta Generoso tur ora**. Asina hende lo **Gradisí Dios pa boso donashon**, ku nos ta entregá nan. (2 Korintionan 9:11).

Yeshua, E Hebreo di Dios, ku ta nos Guía!!!

E Bon Guía ta **mustra abo** kon pa **Biba** riba e **mundu** aki, ku tur e **Persekushon** i **Tribulashon**. **E Bon Guía** ta **duna abo un Armadura** pa abo por **Sobrebibí** riba e **mundu** aki. Tur e **kos aki** tin **di haber** ku **Obediencia!**

Awor, den **2022**, **abo** por ta puntra **abo mes** ken **por Guía** abo na un **Bon Bida** **yen di Abundansia?** **E kontesta ta:** **E Mesias, Esun Ungi di Dios Tata.**

Awendía abo por husa e **palabra Guía** como un **abreviashon** ku ta **GUÍA!!!**

Awor kiko e **abreviashon GUÍA** ta nifiká pa abo?

Generoso Uniko Íntimo Amigu!!!

Yeshua ta pa abo e **Generoso Uniko Íntimo Amigu** riba **mundu!**

E Bon GUÍA kier pa abo **Obedesé i Bisti** e **Armadura** ku **Dios** a duna **abo**, pa **abo** por **enfrentá e diabel su plannan engañoso**. Pasobra abo no ta lucha kontra **un ser humano**, sino kontra e **autoridatnan**, e **gobernantenan** i e **gobernadónan** spiritual di e **mundu** den **skuridat** akí i kontra e **spiritunan malu** ku ta **biba** den e **regionnan** **selestial**.

Yeshua, E Hebreo di Dios, ku ta nos Guía!!!

Obedesé i Bisti e **Armadura** ku **Dios** a duna, pa **abo** por **Sobrebibí** ora e dia di **maldat** yega i abo por keda **Firme pará**. Abo **Obedesé** i para **kla ku e Bèrdat** como **Faha** na abo su **Sintura**, ku **Hustisia** como **Korasa** i ku **Zelo** pa **anunsiá** e **Mensahe di Pas** como **Sandalia** na **abo su pia!** Abo **Obedesé** i laga **Fe ta e Eskudo** ku por wanta e **flechanan** sendé na kandela ku e **malbado** ta tira riba **abo**. **Salbashon** mester ta e **Hèlmu** ku ta **tapa abo su kabes** i e **Palabra di Dios** ta e **Spada** ku **Spiritu Santu** a duna **abo**. Abo **Resa** i pidi **Dios Su Yudansa** semper i na tur okashon, **Guía pa Spiritu Santu**.

E Bon GUÍA a bisa: "No preokupá pa **boso Bida**, esta si **boso tin di kome** òf di **bebe**. Ni tampoko si **boso tin paña** pa **boso bistí**. Akaso bo **Bida** no ta bal mas tantu ku **kuminda i bo kurpa** mas tantu ku **paña?**" (Mateo 6:25).

E Bon GUÍA a bisa: "Ora **boso tende di guera i rebellion** no spanta, pasobra e **kosnan ei mester sosodé promé**, ma eseí **no ke men** ku ta **mesora Fin** a **yega.**" (Lukas 21:9).

E Bon GUÍA; e Generoso Uniko Íntimo Amigu ku abo tin riba **mundu** kier pa abo **Obedesé i Bisti** e **Armadura** ku **Dios** a duna **abo!** Abo su **úniko Preokupashon** mester ta: **Stima SEÑOR**, abo su **Dios**. (Yozue 23:11).

3 aprel 2022

Sea Bendishoná ku e **Amor di Dios Tata; Yeshua Mesias**
Un Fiel Sirbidó di Dios,
Remsly L Riley.